



Inatsisartunut ilaasortamut  
Anna Wangenheim  
Demokraatit

19-06-2024  
Sags nr.  
Akt. id. 24252494

Postboks 260  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

**§ 37 naapertorlugu apeqqummut nr. 120/2024 akissuteqaat UKA2022/132: "Suliniut taasisutigineqarsimasoq UKA2022/132, sumut killiffeqarpa: "Sullivimmi avatangiisit aammalu suliffimmi iluarisimaarinnineq pitsanngoriaateqarnissaanut suliniutit tigussaasut aallaavigalugit sulinngitsoortarneq qanoq annikillisarneqarsinnaaneranut Suliffigissaaneq pillugu siunnersuisooqatigiit oqaaseqaatiliornissaa anguniarlugu Naalakkersuisut peqqusinissaat pillugu Inatsisartut aalajangiiffigisassaattut siunnersuut. Oqaaseqaat suliniutit qanoq ataqatigiissaarneqassanersut atuutsinneqalissanersullu siunnersuutinik tunniussissaaq."?**

Asasara Anna Wangenheim.

Apeqqutitut qujanaq. Apeqqutit ataasiakkaarlugit ataani allaqqinneqarput, akissuteqaataannik malitseqartinneqartut.

Kalaallit Nunaanni Suliffigissaasut, tassaasut siunnersuisooqatigiit sullivimmi avatangiisinut apeqqutit pillugit ilisimasaqarnerulersitsisussat, sullivimmi avatangiisinut sunniuteqartunut apeqqutit pillugit oqallisiginnittoq kiisalu inatsisissatut allannguutissat aamma malittarisassat nutaat kiisalu suliat ataasiakkaat pillugit oqaaseqartartut siunnersuusiortartullu, suliffissaqartitsinermut ministerimit, Naalakkersuisunit aamma Sullivinnik Nakkutilliisoqarfimmit siunnersuisooqatigiinnut saqqummiussisartut, aperivagut tulliuuttumillu akissuteqarlutik:

*"Kalaallit Nunaanni Suliffigissaasut (tamatum kingorna suliffigissaasut) Naalakkersuisuniit saaffiginnissut nuannaarutigaa, sullivimmi avatangiisit aamma suliffimmi iluarisimaarinnineq pitsanngoriaateqarnissaannut suliniutit tigussaasut aallaavigalugit sulinngitsoortarneq qanoq annikillisarneqarsinnaanera pillugu suliffigissaasut oqaaseqaateqarnissaat pillugu qinnuigineqartut. Oqaaseqaat suliniutit qanoq ilillutik ataqatigiissaarneqarnissaat piviusunngortinneqarnissaallu pillugit inassuteqaatinik imaqassaaq."*

Suliffigissaasut suleriaasianni allaqqavoq, "Kalaallit Nunaanni Suliffigissaasut siunertaat tassaavoq suliffeqartitsinermi illuatungeriinnut oqaasissaqaqataanissaaq suliffimmi isumannaatsunik peqqinnartunillu avatangiiseqarnissaaq pillugu suliniuteqarnerni". Suliffigissaasut naliliiffigaat, suliffimmi isumannaatsumik, peqqinnartumik tarnikkullu avatangiiseqarnissaaq ikorfartorneqarpat, suliffeqarfinni sulinngitsoortarneq pitsaasumik sunniuteqarfigineqarsinnaasoq.



Suliffigissaasut, Suliffissaqartitsinermit Ministereqarfimmiit, suliassaqarfimmut akisussaasumiit, saaffiginnissutip kingorna, Naalakkersuisunit 2023-mi upernaakkut toqqarneqarput.

Kalaallit Nunaanni Suliffigissaasut, suliffigissaasut suliaminni 2026-mut pingaarnertut suliassaqarfiit ukkatarineqartussat pillugit iliuusissamik suliqaarnissaq siunertaralugu ukiakkut 2023-mi isumasioqatigiissitsipput. Sullivimmi avatangiisit aamma suliffimmi iluarisimaarinnineq pillugit pitsanngorsaataasussanik arlalinnik siunnersuuteqarpoq aamma Suliffigissaasut ilsimatitsipput ilaatigut makkuusut:

- Timikkut artorsartinneqarnerit pinaveersaartinneqassapput (nunguullarsarneq pinaveersaartinniarlugu)
- Sullivinnik Avatangiisit pillugit ilinniartitaanermi pikkorissaanerit amerlanerusut naammassiniarlugit isumalluutini amerlanerusunik pissarsiniarnermi naalakkersuinikkut aaqqissuussamut ilungersuuteqarneq
- Suliffinni isumannaatsumik pissuseqarnermik piviusunngortitsineq/ sulinermi ajoqusernerit pinaveersaartillugit
- Suliffeqarfimmi sulisut akornanni nalilersuineq ukkatarineqassaaq
- Inuusuttunut atorfinittunullu sullivimmi avatangiisit (pinnguaatitut ilusilerlugit)
- Tarnikkut sullivimmi avatangiisit (uippakajaarneq, pimmatigininneq, digitaliusumik uumisaarineq pillugit pinaveersaartitsineq)
- Digitaliusumik pisut nalaanni sullivimmi avatangiisit (naqinnernik ilisarinnissinnaanngitsunut ikiuineq, digitaliusumik sunnuteqarneq, qaqugukkut ikiuineruva imaluunniit unammillerneruva?) – digitaliusumik ikorfartuineq
- Paasinartumik attaveqatigiinneq, ilanngutassiorneq, animation-iliorneq
- Allattoqarnikkut pitsaanerusumik annertunerusumillu ikiorneqarneq. Allattoqarneq aningaasaqarnerlu
- Issittumi, apummi sermimilu sulinermik pissutsit

Isumalluutit innersuussutigalugit Suliffigissaasut siunissami ungasinnerusumi suliassaqarfiit pingasut ukkataqarfiginiarlugit toqqarpai:

- Tarnikkut sullivimmi avatangiisit
- Attaveqatigiinneq
- Suliffinni isumannaatsumik pissuseqarneq

Suliffigissaasut ilanngullugu ilsimatitsissutigaat, qulaani pineqartunut apeqqutissaqartoqartillugu piareersimallutik.

Inussiarnersumik inuulluaqqusillunga

Jess Svane